



Aruba a logra seis titulo den campeonato na Ajedrez na India



ORANJESTAD (AAN): Nan a regresa bek cu sonrisa riba nan cara! Ta trata aki di e seleccion di Aruba, cu a bay competi na un Campeonato di Ajedrez, y a bin bek cu seis titulo, danki na e esfuerzo di e participantenan cu pa casi 5 aña a traha duro cu training y preparacion.

E competencianan aki a tuma lugar na India, unda e seriedad pa e wegá aki ta di grado hopi halto.

A compronde cu e horarionan di e Campeonato tabata hopi largo, y pesey mes e tabata **dianan** largo cu no ta facil. Aruba a logra di gana e titulo di FIDE Master (conoci como FM), cu ta un di e titulonnan oficial

cu un hungador di Ajedrez por ricibi di International Chess Federation (FIDE).

Aruba a gana tambe e titulo di Candidate Master (conoci como CM), cu ta un titulo cu ta duna hungadornan cu a demostra e potencial di bira Masters den Ajedrez.

Nan a gana tambe e titulo di Damas, y esaki ta algo cu a haci Annelaine Jacobs hopi orguyoso.

E team di damas di Aruba a enfrente 168 pais den e campeonato aki. E team di cabayeros di Aruba enfrente 188 pais. Nan a haci nan best pa tene Aruba su nomber na halto. DIARIO ta felicita nan cu e logro aki.